

ek!

eta kitto!
euskara elkarteak

2022ko uztaileak 8 · 1235. zenbakia

BOST HAMARKADA INKLUSIOA BULTZATZEN



KOMUNITATEEN ADMINISTRAZIOA



ADMINISTRAZIOA

- ✓ Aurrekontua
- ✓ Kontabilitatea
- ✓ Jabeen batzarretan izatea
- ✓ Akta egitea



KUDEAKETA

- ✓ Obrak
- ✓ Lizentziak eta laguntzak
 - Eusko Jaurlarria
 - Udala



LEGE AHOLKULARITZA

- ✓ Jabetza horizontala
- ✓ Ezordainutako enklabak
- ✓ Sormen berriko komunitateen eraikuntza



30 URTETIK GORAGOKO ESPERIENZIAK BERMATZEN GAITU

943 200 358 - www.eukikomunidades.com - ARRETA PERTSONALIZATUA ETA TELEFONOZ: 09-14:00 eta 15:30-19:30



Aspace: 50 urte inklusioa bermatzen

Urte garrantzitsua da Aspace Gipuzkoa elkartearentzat: 50. urteurrena ospatzen ari dira. Azken urteotan aldaketa sozial ugari egon diren arren, ASPACEren helburua ez da aldatu: garun-paralisia edota antzeko alterazioak dituzten pertsonen eta haien senideen bizitza kalitatea hobetzea. Oso pozik daude San Juan jaietan Eibarko herriak egin dien omenaldiarekin eta euren esker ona adierazi nahi izan dute urte hauetan jaso duten babesagatik. Hala ere, inklusioaren alde bidea egiten jarraitzeko beharra gogoratu digute.

Aspace Gipuzkoa elkar-
tea izan da omenduetako
bat aurtengo San Juan
jaietan. Elkartea ordezkatzeko Gorka Olañeta eibartarra ikusi dugu jaietako hainbat ekitalditan. Udaletxeko balkoira igo zen Gorka pregoian parte hartzeko eta txupinazoa botatzen ere egon zen. Hori baino lehen, dultzaineroen kalejiran parte hartu zuen aurtengo beste omenduekin eta udaleko ordezkari politikoko guztiekin batera. Pozik dago Gorka jasotako maitasun eta errekonozimenduarekin. Oso egun berezia izan zen berarentzako eta Untzaga plazan bildu zen Aspaceko familia osoarentzako (elkarteko umeak, familiak eta profesionalak). 50 urte betetzen ditu aurtun elkar-
teak eta oso eskertuta daude Eibarko Udalak eta herriak eman dien aukeragatik.

Eibarko ikastolan egin zituen ikasketak Gorkak, eta informati-

kako prestakuntza ere jaso zuen. Gorka itsua da eta ez du ehuneko ehunetan betetzen Aspaceko ki-deen profila. Hala ere, berak kon-tatu digunez, Aspacen aurkitu du bere lekua. Lehendik ere ezagutzen zuen Gorkak elkar-
tea, bazkarieta-
ra eta bisitan joaten zelako, baina 2016an, orain dela sei urte, hasi zen Aspace Arrasaten daukan eguneko jardueren zentroa joaten.

Lehengo hilabeteetan probatzen ibili zen eta zentroan egiten diren bi zerbitzu edo lan-mota ezagutu zituen: garbiteria eta otargintza. Gehien gustatu zitzaiona garbiteria izan zen, eta horretan dihardu gaur egun ere. Garbiteriako langileek eguneko zentroko eta etxebizitza-zerbitzuko arropak garbitzen, sailkatzen eta lisatzen dituzte. Izan ere, familiarik ez daukaten edo euren etxeetan arreta jaso ezin dezaketan Aspaceko erabiltzaile batzuk etxebizitzak konpartitzen

dituzte Arrasaten bertan eta hangoi ere arropa-garbitzua zerbitzua eskaintzen diete Gorkak eta bere lankideek.

Hobeto jendez inguratuta

Arrasateko eguneko zentroko eta etxebizitzetako erabiltzaileak, 33 inguru, elkarrekin ibiltzen dira lanean, batzuk garbiterian eta beste batzuk otargintzan. Goizeko 09:00etatik 17:00etara egoten da Gorka Arrasaten, eta gero Eibarrera bueltatzen da. Gustura sentitzen da Gorka eguneko zentroan eta, orain dela urte batzuk hain ondo egongo zela jakin izan balu, lehenago hasiko zela esan digu. "Askoz hobeto nago jendez inguratuta egun osoan etxean sartuta baino. Oso gustura joaten naiz", esan digu. Orain dela gutxi Gorkaren amak osasun-arazo bat izan zuen, mokorra apurtu zuen, eta Gorka pare bat hilabete egon zen Arrasateko etxebizitza



Bideoa hemen
ikusgai:



Gorka Olañeta udaletxera igo zen Aspaceko ordezkari moduan herriko jaietxerako hasiera emateko. Eibarko Aspaceko familia osoak ederto pasa zuen eta asko eskertzen dute elkartearen 50 urteurrenean egin zaien omenaldia. ARGAZKIAK: ARANTXA GARIN



Goiko argazkian Rosa Iglesias Aspace Gipuzkoako presidenteordea. Egin zaien omenaldia eurentzat oso garrantzitsua dela esan digu. A. GARIN

batean bizitzen. Etxebitza hauetan bizi direnentzako laguntza gehiago beharrezkoa dela dio Gorkak: "paseo txiki bat emateko, kafetxo bat hartzeko.... bestela oso gutxi irtetzen dira kalera".

Sanjuanetako omenaldia poz-tasun handiarekin gogoratzen du Gorkak: "Oso *intensoa* izan zen, dena batera. Egun batzuk aurretik ea urduri nengoen galdetzen zidaten lagunek eta ezetz esaten nien, izatekotan egun berean jarriko nintzela, baina ez aurretik. Dultzaineroen ongietorrian eta kalejiran egon nintzen, udaletxeko balkoitik hitz batzuk esan nituen eta ondoren txupinazoa bota nuen. Oso polita izan zen".

Aspace Eibarren

Rosa Iglesias garun-paralisia daukan neska baten ama da. 22 urte daramatza elkartean eta orain, gainera, elkarteko presidenteor-

>>> "Gure umeez besteek dituzten aukerak izatea nahi dugu. Bisibilitatea eta normalitatea funtsezkoak dira"

>>> "Bide luzea egin da eta oso eskertuta gaude, baina oraindik gauza asko daude egiteko"

de moduan dihardu. Rosaren berbetan, "50. urteurrenean eskerrak eman nahi dizkiogu gizarteari (familiak, boluntarioak, enpresak, erakundeak...) jasotako laguntzagaririk, eta aldarrikatu nahi dugu egindako guztiak jarraipen bat daukala, behar handiak dauden pertsonak daudela eta jarraitu behar dugula inklusiorako bide horretan".

Aspacek Eibarren daukan zentroa 1973an jaio zela azaldu digu Rosak. Gipuzkoako bigarren zentroa izan zen, Donostiakoa eta gero, eta Peli Egaña eibartarrak eta beste hainbestek garai hartan egindako lan izugarria ekarri digu gogora. Eibarko zentroa hezkuntzan dago espezializatua eta bertara joaten dira garun-paralisia edo antzerako alterazioen bat

>>> "Gure eskola Eibarko beste edozein eskola bezalakoa da, Eibarkoa, herrikoa, baina askotan gogorarazi behar izaten diegu agintariei eta gizarteari"

daukaten adin txikikoak. Eskola Santaines kalean dago, Argatxa eraikinean, kiroldegiairean parean.

Eskola inklusiboa, herrikoa

Rosak dioenez, "Eibarkoa eskola inklusiboa da, herrikoa. Gure umeez herriko ekintza eta jaietan parte hartzea oso garrantzitsua da. Txupinazoan egotea edo jaietan aktiboki parte hartzea guretzako oso garrantzitsua da, baina are garrantzitsuagoa da garun-paralisia duten pertsonen errealitatea eza-gutzeria ematea gizartean, inpaktu positiboa sortuz".

Bisibilitatea eta normalitatea funtsezkoak dira Aspaceko umeentzat, eta "herrietako ekitaldi desberdinetan, adibidez multikiroletan edo festetan, edozein umek bezala parte hartu beharko lukete. Agintariei helarazi nahi diegun mezua da gure eskola beste edozein eskola bezalakoa dela, Eibarkoa, herrikoa. Askotan ez dira konturatzeko eta gogorarazi egin behar zaie. Umeak konturatu egiten dira, eta ikustea modu inklusibo batean parte hartu dezaketela... horrek ez dauka preziarik. Eskerrak gizarte



Erabiltzaileek, familiek, profesionalak eta boluntarioek izugarriko pisua daukate Aspacen, eta hori azaldu dute "50 urte inklusioa bermatzen" erakusketa ibiltariaren bitartez. A. GARIN

honetan pausoak ematen ari garen, baina hori da 50 urte hauetan hainbeste aldarrikatu dena: inklusioa. Bide luzea egin da, baina oraindik gauza asko daude hobetzeko".

Laguntza, ezinbestekoa

Elkarte handia da Aspace: 472 lagun eta beraien familiak, 340 profesional, 126 boluntario... Dexte profesionalizatu da, baina familiek pisu handia izaten jarraitzen dute. Aspace Gipuzkoa errealitate bat izatea garun-paralisia duten seme-alaben mesedetan inplikatzeko jakin zuten familiei esker izan da,

beraiek zabaldu zuten errealitate hau Gipuzkoa osoan. 50 urteren ondoren, beste familia batzuek hartu dute erreleboa.

"50 urte inklusioa bermatzen" Aspace Gipuzkoaren 50. urteurreneko erakusketa ibiltaria egon da ikusgai Untzagako jubilatuen egotzako erakusketa aretoan. Rosa Iglesiasek azaldu digunez, "gurea bezalako elkarte batek laguntza behar duela aldarrikatu nahi izan dugu erakusketarekin. Laguntza guztiak ongi etorriak dira: erakunde, enpresa pribatuak, boluntarioak... edozeinenak izanda ere".